

四庫全書

史部

欽定四庫全書

欽定八旗通志卷六十一

氏族志八

八旗漢軍譜系

張氏

凡三派一出瀋陽一出遼陽一出開平衛

李氏

凡二派一出瀋陽一出遼陽

高氏

凡二派一出藩
陽一出遼陽

雷氏

凡二派一出遼
陽一出藩陽

陳氏

凡二派一出藩
陽一出海州

周氏

系出
藩陽

胡氏

系出
遼陽

董氏

系出
撫順

黃氏

系出
瀋陽

鈕氏

系出
遼陽

吳氏

系出
鐵嶺

劉氏

系出長
白山

尚氏

系出
瀋陽

韓氏

系出中
後所

馬氏

系出
潘陽

王氏

系出
義州

曹氏

系出
潘陽

丁氏

系出
遼陽

魏氏

系出
潯陽

呂氏

系出
鐵嶺

鄭氏

系出
潯陽

羅氏

系出
潯陽

白氏

系出
撫順

王氏

凡八派一出瀋陽一出綢臺一出撫順一出遼陽
一出長白山一出中後所一出義州一出蓋州

李氏

凡十四派一出瀋陽一出長白山一出王多羅樹
一出遼陽一出魚後屯一出錦州一出靈生堡一
出家邦一出和羅一出松山一出鐵
嶺一出撫順一出穆家堡一出耀州

張氏

劉氏

凡七派一出瀋陽一出鳳凰城一出錦州一出遼陽一出春家堡一出蓋州一出鐵嶺

陳氏

凡六派一出三韓一出遼陽一出鐵嶺一出瀋陽一出劉家峪一出撫順

周氏

凡六派一出海州一出瀋陽一出巨流河一出大凌河一出遼陽一出鐵嶺

徐氏

凡七派一出集屯一出坡子一出開原一出中後所一出遼陽一出穆家堡一出瀋陽

凡五派一出瀋陽一出大凌河一出遼東一出巨流河一出撫順

高氏

凡六派一出瀋陽一出錦州一出海州一出蒼州一出遼陽一出中後所

崔氏

凡三派一出瀋陽一出鐵嶺一出遼陽

楊氏

凡二派一出瀋陽一出錦州

孫氏

趙氏

凡四派一出撫順一出鐵
嶺一出三虎石一出瀋陽

胡氏

凡四派一出瀋陽一出長
白山一出鐵嶺一出錦州

馬氏

凡三派一出三韓一
出錦州一出瀋陽

董氏

凡四派一出瀋陽一出謝
河一出海州一出遼陽

凡四派一出瀋陽一出義州一出遼陽一出撫順

吳氏

凡二派一出中後所一出瀋陽

金氏

凡三派一出瀋陽一出遼陽一出金德城

許氏

凡三派一出撫順一出瀋陽一出遼陽

黃氏

凡七派一出瀋陽一出郎家堡一出塔山
一出遼河一出遼陽一出撫順一出鐵嶺

韓氏

凡五派一出蘇家堡一出長白山
一出瀋陽一出遼陽一出二寨子

鄭氏

凡三派一出鐵嶺一
出瀋陽一出遼陽

郭氏

凡二派一出瀋
陽一出遼陽

佟氏

凡三派一出瀋陽一
出中後所一出松山

何氏

凡二派一出瀋
陽一出撫順

鄧氏

凡三派一出瀋陽一
出鐵嶺一出遼陽

姚氏

凡二派一出襄
平一出瀋陽

蕭氏

凡二派一出瀋陽一出遼陽

謝氏

系出瀋陽

俞氏

凡四派一出瀋陽一出寧古塔一出遼陽一出遼東

田氏

凡三派一出撫順一出大凌河一出瀋陽

丁氏

系出
瀋陽

白氏

凡三派一出遼河一
出瀋陽一出郭爾泰

康氏

系出
瀋陽

汪氏

凡四派一出寧遠一出瀋
陽一出遼陽一出鐵嶺

閻氏

凡二冰一出潘
陽一出遼陽

羅氏

系出
瀋陽

姜氏

凡二冰一出瀋
陽一出遼陽

戴氏

凡四冰一出瀋陽一出撫順
一出長白山一出爛泥河

梁氏

凡三派一出瀋陽一
出遼陽一出鐵嶺

孟氏

系出
瀋陽

顧氏

凡二派一出瀋
陽一出遼陽

朱氏

凡四派一出瀋陽一出長
白山一出義州一出遼陽

杜氏

系出
瀋陽

蘇氏

凡二派一出連
陽一出瀋陽

程氏

系出
瀋陽

尤氏

系出
瀋陽

任氏

凡三派一出長白山
一出遼陽一出瀋陽

石氏

凡二派一出瀋
陽一出遼陽

宋氏

凡二派一出鐵
嶺一出瀋陽

潘氏

凡三派一出鐵嶺一
出瀋陽一出林深堡

祁氏

凡二冰一出藩
陽一出錦州

聞氏

系出
藩陽

紀氏

凡二冰一出遼
陽一出長白山

素氏

系出
藩陽

于氏

系出
瀋陽

魏氏

系出
瀋陽

侯氏

系出
瀋陽

裴氏

凡二泳一出瀋
陽一出巨流河

方氏

系出
瀋陽

馮氏

系出
瀋陽

譚氏

系出
瀋陽

孔氏

系出
瀋陽

夏氏

凡二派一出藩
陽一出街

秦氏

凡二派一出藩
陽一出長白山

倪氏

凡二派一出寧
古塔一出遼陽

沈氏

系出
瀋陽

宗氏

凡二派一出瀋陽一出湖普察

龍氏

系出瀋陽

林氏

凡二派一出撫順一出瀋陽

邊氏

系出瀋陽

傅氏

系出
瀋陽

薛氏

系出
瀋陽

葉氏

系出
瀋陽

閔氏

系出
瀋陽

衡氏

系出
瀋陽

錢氏

凡二派一出爛
沃河一出瀋陽

剛氏

凡二派一出遼
陽一出瀋陽

柴氏

系出
瀋陽

史氏

系出
潘陽

雷氏

系出
潘陽

強氏

系出
遼陽

蔣氏

系出
潘陽

彭氏

系出
瀋陽

耿氏

系出
瀋陽

商氏

系出
瀋陽

勞氏

系出
遼陽

鄒氏

系出
潘陽

司氏

系出
撫順

賈氏

系出
潘陽

喬氏

系出
遼陽

龔氏

系出
瀋陽

靳氏

系出楊
樹溝

朴氏

系出
瀋陽

陸氏

系出
錦州

牛氏

辛氏

系出
瀋陽

系出
錦州

穆氏

系出
瀋陽

屈氏

系出
瀋陽

盧氏

系出
遼陽

陶氏

系出
瀋陽

鍾氏

系出
遼陽

松氏

系出
遼陽

宣氏

系出
遼陽

寧氏

系出
牛莊

邢氏

系出三
塊石

顏氏

系出王
內石

岳氏

系出
遼陽

曲氏

系出
遼陽

屠氏

系出
鐵嶺

宜氏

系出
遼陽

唐氏

系出
潘陽

梅氏

系出
潘陽

呂氏

系出尚
陽堡

鄔氏

系出
潘陽

段氏

系出
瀋陽

查氏

系出
濟陽

費氏

系出
瀋陽

錢氏

系出
瀋陽

章氏

系出大
凌河

井氏

系出巨
流河

翠氏

系出
瀋陽

焦氏

系出
撫順

萬氏

系出
潘陽

苗氏

系出
潘陽

郝氏

系出
潘陽

戚氏

系出
潘陽

時氏

系出
潘陽

尹氏

系出
潘陽

秋氏

系出
潘陽

蔡氏

系出
潘陽

受氏

系出
瀋陽

洪氏

系出
瀋陽

魯氏

系出
瀋陽

族氏

系出
遼陽

張氏

系出
遼陽

王氏

凡三派一出臺一出
長白山一出大凌河

劉氏

凡五派一出蓋州一出遼陽一出
牛莊一出寧古塔一出大凌河

張氏

凡四派一出蓋州一出牛
莊一出撫順一出大凌河

孫氏

凡三派一出蓋州一
出遼陽一出大凌河

唐氏

凡二派一出瀋
陽一出撫順

楊氏

凡三派一出長白山一
出遼陽一出大凌河

李氏

凡二派一出瀋
陽一出大凌河

秋氏

系出

遼陽

宋氏

系出

牛莊

圖氏

系出

六臺

雅氏

系出吉

林烏刺

馬氏

系出
遼陽

賴氏

系出
瀋陽

鄧氏

系出
蓋州

莫氏

系出
遼陽

江氏

系出

三臺

龐氏

系出

蓋州

俞氏

系出

章羅

黃氏

系出

牛莊

羅氏

糸出吉
林烏刺

郭氏

糸出
蓋州

沈氏

糸出
遼陽

吳氏

糸出
瀋陽

尤氏

系出
沾河

盧氏

系出
綏山

坡氏

系出
鐵崩

陳氏

系出
遼陽

孟氏

系出匣
塔子

聶氏

系出
遼陽

趙氏

系出
沾河

高氏

系出
遼陽

周氏

系出
遼陽

向氏

系出匣
塔子

徐氏

系出
撫順

朱氏

系出大
凌河

史氏

系出
撫順

宗氏

系出大
凌河

顏氏

系出大
凌河

趙氏

系出
撫順

周氏

系出
撫順

劉氏

系出
撫順

李氏

凡三派一出三達堡
一出撫順一出瀋陽

王氏

凡二派一出瀋
陽一出撫順

張氏

凡二泳一出撫
順一出閭原

鍾氏

凡二泳一出碩
托一出撫順

周氏

凡三泳一出撫順一
出錢嶺一出瀋陽

曹氏

凡二泳一出撫
順一出瀋陽

馬氏

凡二泳一出潘
陽一出撫順

范氏

系出
遼陽

盧氏

系出
海陽

趙氏

凡二泳一出榆
樹溝一出撫順

秦氏

凡二派一出撫
順一出潘陽

杜氏

凡二派一出遼
陽一出撫順

高氏

凡二派一出遼
陽一出潘陽

金氏

系出
撫順

吳氏

凡二派一出藩
陽一出撫順

孔氏

系出
撫順

陳氏

系出
撫順

蘇氏

系出
撫順

康氏

系出
撫順

姬氏

系出
撫順

徐氏

系出
撫順

魏氏

系出
撫順

胡氏

系出
撫順

郎氏

系出
三堡

任氏

系出
瀋陽

蔡氏

系出塔
三堡

馮氏

系出
潘陽

林氏

系出
撫順

于氏

系出
撫順

房氏

系出
遼陽

姚氏

撫順
系出

湯氏

瀋陽
系出

謝氏

瀋陽
系出

邱氏

瀋陽
系出

施氏

系出
潘陽

洪氏

系出
撫順

沈氏

系出
潘陽

嚴氏

系出
潘陽

梁氏

鐵
系出
廢

韓氏

系出
洛陽

田氏

系出
洛陽

佟氏

系出
洛陽

肖氏

系出
潘陽

宋氏

系出
潘陽

談氏

系出
潘陽

晉氏

系出
潘陽

許氏

系出
瀋陽



欽定八旗通志卷六十一

欽定四庫全書

史部

欽定八旗通志卷

六十二至
六十四

欽定四庫全書

欽定八旗通志卷六十二

土田志

昔者成周以禘事開基自公劉徹田為糧著三單
之美古公疆理宣畝自西徂東以周於執事武王
周公本之為體國經野之略從古帝王之興未有
不敦崇本計者欽惟我

太祖高皇帝定八旗軍制先令國人也田曠土設職官十

有六專司其事

太祖文皇帝嗣位之初即申嚴屯莊禁令

屢飭八旗備禦官劄農播穀禁濫役妨農者猗歟偉哉

創造之勤與周家比烈而

規模宏遠又遠過之

世祖章皇帝既大一統籍近京州縣閒田

賜東米將士遂畫定旗地有民田錯互者以官田易之視

所易近遠免其稅有差經界正矣穀祿均矣

聖祖仁皇帝命展邊開墾得膏腴地數百萬頃由是八旗
人士內有閒田可以資生外有草地可以墾種不
假閭閻尺寸而舊壤新畬咸得我所

世宗憲皇帝慮畿輔莊屯襍處有司督察為艱

特置八路官分司董率導迎其善念振作其怠心

睿慮益為周摯迨我

皇上之御極也念旗人生齒日繁宜籌經遠既給還入
官之產又查贖民典之田且以公產租銀遞年普

賞其沙水荒鹵地畝則必

命大臣履勘豁除賦租凡所以為旗人裕恒產謀久長者尤無微不至矣臣竊惟周家世有哲王而制作至元公而止詎若我

大清

聖

聖相繼

訐謨善政次第舉行即土田為萬幾之一端迺經

列祖之經營

宸衷之規畫宏綱細目美備周詳如此然則旗人食舊
德服先疇含哺擊壤其深思樂利所由來乎謹博
稽冊籍採其有關地畝者為土田志分八子目曰
土田規制曰給地數目曰守

陵人員地畝曰直省駐防地畝曰塋地曰牧場曰土田教
令曰土田蠲卹而各子目之下又有部分以便尋
檢焉

土田志一

土田規制

肇基規制
畿輔規制

肇基規制

太祖高皇帝乙卯年夏六月令國人屯田曠土

諭曰我國儲積未充惟及是時撫輯吾國固疆圉修邊備
重農積穀為先務耳因

命各牛录下出十人牛四頭於曠土屯田積貯倉廩復設

官十六員筆帖式八員會計出入

謹案乙卯之次年為天命元年

丙辰

天命四年夏四月

諭沿邊之地宜設兵以衛農人

我

太宗文皇帝初即位之年

謹案是年為天命十一年明年改元天聰

秋九月定

屯莊禁令先是編歸降戶口每十三壯丁為一莊

分隸滿洲大臣家至是

命按滿洲官品級每一備禦

即今佐領

止給壯丁八名以供使

令其餘分屯別居編為民戶擇漢官清正者轄之
禁貝勒大臣屬下需索器物及恣意行遊者復

諭曰工築之興有妨農務前因城郭邊牆事關守禦有勞
民力良非得已朕深用憫念今修葺已竣嗣後有額壞
者止令修補不復興築用恤民力專勤南畝以重本務
其屯莊田上八旗移居已定今後無事再移可使各安
其業無荒耕種滿洲漢人毋得異視凡訟獄差徭須畫
一均平諸貝勒大臣并在外駐防之人及貝勒下牧馬

管屯人有事往屯莊各宜自備行糧若擅取民間牛羊雞豚者罪之

天聰三年二月申科歛民財之禁時有正黃旗千總因本管官至屯歛取民物以為供應者

上察知之

諭貝勒大臣曰出使之入各自備餽糧毋許科取於民近聞有違法妄行者不可不嚴為懲治諸臣皆受朕恩身居民上衣食亦已豐裕乃攫取貧民辛勤孳養之牲牢

以供口腹貧民被此擾累何所恃以為生乎嗣後除凡人照常處分外若係管糧官筆帖式及巡臺人虐民妄行定行處死

天聰七年春正月庚子集八旗備禦官

諭曰田疇廬舍民生攸賴勸農講武國之大經方今疆土日闢舊所給田地若有不堪耕種者察明換給沃壤即於附近建造房屋俾遷居之如貧民之牛具籽種赴有力之家代耕一切徭役專派有力者不得濫及代耕貧

戶

九年春三月禁濫役妨農

諭曰朕昨出見民間耕種愆期蓋因章京等有事城工欲
先時告竣故額外派夫致誤耕作築城固為正務然田
地荒蕪民食何賴嗣後有濫役民夫致妨農務者該管
章京以下俱治罪

崇德元年冬十月禁屯積米穀並令及時耕種
二年春二月令各屯堡及時幼農

夏四月辛卯

諭羣臣貸粟貧民及時播種

五年春三月

命鄭親王濟爾哈朗帥右翼貝勒多鐸帥左翼官兵往修

義州城駐軍屯田尋奏義州東西四十里田地皆

已開墾

夏五月

諭理藩院曰爾等可令索倫米歸之衆同郭爾羅斯部衆

於烏庫瑪勒格稜額勒蘇昂阿察喀地方駐劄耕種

六年十一月都察院叅政祖可法等奏言今歲禾穀未收秋霜早隕恐收穫之時米糧未能豐足價漸騰涌市糴日稀所宜預為籌畫者凡四事一請嚴沽酒之禁本京及大小城堡計造酒米數每日不下數百石停止一年可省米數十萬石一請杜囤積之弊有糧之家或賣或借賣則從市平糴借則從時起息俾得有無相通不許居奇長價一請

疏河渠之路東土以遼瀋為肥饒夾河六屯尤為
沃壤年久不濬故河壅而水不流雨澤偶多遂致
泛溢沿河一帶良田悉委棄矣及時挑修用力不
多為益最大即民間夫役亦所樂從一請開納粟
之例或論罪之大小限以糧數納贖或無罪平人
有急公輸粟者量加獎錄俟秋成豐稔即行停止
疏入得

旨所奏俱是我國人民當此饑饉之年著停止沽酒待年

豐仍許沽賣獲罪之人無銀納贖願輸糧者准以時價折收有餘糧之家願助者許助願賣者許賣又新開河修濬一事該部俟可以興工之時奏聞

七年六月癸卯

上諭大學士范文程等曰昔我

太祖時凡遇行兵巡幸軍士有踐踏田禾者重則射之輕則鞭之法律嚴明所以重農事也近來諸王貝勒行兵出獵見有踐踏田禾者亦曾察出定罪否朕前往牧馬

之所見內大臣塔瞻等踐踏田禾已奪取其矢交與兵部究治矣出兵官員應在京候定功罪其餘閒散官員即當令其各往本牛錄也莊查看田土耤墾與否如有棄而未耤者可撥工助之五穀係萬民之命何得兀然閒坐略不介意也范文程等遵

諭集諸王貝勒大臣於

篤恭殿宣示畢王貝勒奏曰臣等遇有踐踏田禾之人應鞭責者鞭責應罰懲者罰懲不敢疎縱也

以上肇基規制

畿輔規制一

順治元年至康熙五十三年

順治元年十二月

諭戶部曰今我朝定都燕京期於久遠凡近京各州縣民人無主荒田及明朝皇親駙馬公侯伯太監等凡歿於寇亂者無主田地甚多爾部槩行清查若本主尚存或本主已過而子弟存者量口給與其餘田地盡行分給東來諸王勲臣兵丁人等益非利其地土良以東來諸

王勲臣兵下人等無處安置故不得已而取之然所取之地若滿漢錯處必爭奪不止可令各府州縣鄉村滿漢分居各理疆界以杜異日爭端今年從東先來諸王各官兵丁及現在京各部院衙門官員俱著先撥給田園其後到者再酌量照前與之

是月順天巡按柳寅東疏言清查無主之地安置滿洲莊頭誠開創宏規第無主地與有主地犬牙相錯勢必與漢民雜處不惟今日履畝之難恐日

後爭端易生臣以為莫若先將州縣大小定用地
多寡使滿洲自住一方而後以察出無主地與有
主地互相兌換務使滿洲界限分明疆理各別而
後可蓋旗人共聚一處阡陌在於斯廬舍在於斯
耕作牧放各相友助其便一也滿漢疆理無相侵
奪爭端不生其便二也里役田賦各自承辦滿漢
各官無相干涉且亦無可委卸其便三也處分當
經界明人無竄避驚疑得以保業安生耕耘如故

賦役不缺其便四也可仍者仍可換者換漢人樂從且其中有主者既歸併其餘自不容無主者隱匿其便五也疏入奉

旨戶部詳議速覆

是年定民間無主田地撥給八旗壯丁每人三十畝

二年正月戶部以圈撥地土事奏

聞報曰凡圈丈地方須令滿漢分處至於故明賞賚勲戚

莊地及民間無主荒田悉令輸官酌行分撥

謹案會典順治十一

年覆准凡丈量州縣地用步弓各旗莊屯用繩用步弓曰丈用繩曰圍

二月

諭戶部傳諭各州縣有司凡民間房產有為滿洲園占兌換他處者俱視其田產美惡速行補給務令均平倘瞻顧徇庇不從公速撥耽延時日爾部察出從重處分

十二月戶部尚書英俄爾岱等言臣等奉

命園給旗下地畝查得易州安肅等州縣軍衛共三十六

處無主田地盡數撥給旗下猶若不足其未察地方如滿城望都等二十四州縣尚有無主荒地若撥給旗下則去京漸遠兵民雜處多有未便議將易州等處有主田地酌量給旗而以滿城等處無主田地就近給民庶幾兩利至於清查事緒繁多應差廉幹官員前往從公撥給務令滿漢兵民各有寧宇疏入

命遣給事中四員御史四員同戶部司官八員前往撥給

是年題准給諸王貝勒貝子公等大莊每所地一百三十晌或一百二十晌至七十晌不等半莊每所地六十五晌或六十晌至四十晌不等園每所地三十晌或二十五晌至十晌不等

謹案舊例六畝為一晌自乾隆四十六年十一月始奉

旨嗣後按畝核算不寫若干晌而此志原文有係欽依實錄與

聖祖御製文集者所書晌數今敬遵其舊惟自乾隆元年

以後則遵

旨概用畝數核改

謹聲明於此

又題准分給園地內府總管八晌親王府管領六晌郡王以下府管領五晌各府給事人員俱給地有差

又題准王以下各官所屬壯丁計口給地六晌停支口糧

又題准民間墳墓有在旗人地內者許其子孫隨時祭掃

三年題准京師內外無主園地酌量撥給諸王府

又題准副都統以上官員各撥給園地三十晌併

二名壯丁地

謹案每名壯丁地三十畝

是年三月戶部言民間田地撥給滿洲已經於隣近地方補還但廬舍田園頃非其故遷徙流離深為可念應照被撥地數一應錢糧全免一年其地土房舍雖未經撥給滿洲而與近村被撥之民同居分種亦應照分出地數將一應錢糧量免一半凡故明公侯外戚屯地既經撥出其錢糧自應照

數永免如有被撥之民將他處未撥之產混開冒免者察出重究

詔從所請

四年正月戶部言去年八旗園地止園一面內薄地甚多以致秋成無望況今年東來滿洲又無地耕種若以遠處府州縣屯衛故明勲戚等地撥給又恐孤貧者無力運送應於近京府州縣內撥換去年薄地並給今年東來滿洲其被圈之民於滿

洲未園州縣內查屯衛撥補仍照遷移遠近豁免
錢糧四百里者准免二年三百里者准免一年以
後無復再動民地庶滿漢兩便疏入

詔從其議於是園順義懷柔密雲平谷四縣地六萬七百
五晌以延慶州永寧縣新保安永寧衛延慶左衛
右衛懷柔衛無主屯地撥補園雄縣大城新城三
縣地四萬九千一百一十五晌以東鹿阜城二縣
無主屯地撥補園容城任邱二縣地三萬五千五

十一晌以武邑縣無主屯地撥補園河間府地二
十萬一千五百三十九晌以博野安平肅寧饒陽
四縣先園薄地撥補園昌平良鄉房山易州四州
縣地五萬九千八百六十晌以定州晉州無極縣
舊保安深井堡桃花堡遞鶚堡雞鳴驛龍門所無
主屯地撥補園安肅滿城二縣地三萬五千九百
晌以武強藁城二縣無主屯地撥補園完縣清苑
二縣地四萬五千一百晌以真定縣無主田地撥

補園通州三河薊州遵化四州縣地十一萬二百
二十八晌以玉田豐潤二縣園剩無主屯地及遷
安縣無主屯地撥補園霸州新城鄆縣武清東安
高陽望都固安安州永清滄州十一州縣地十九
萬二千五百一十九晌以南皮靜海樂陵慶雲交
河蠡縣靈壽行唐深州深澤曲陽新樂祁州故城
德州各州縣無主屯地撥補園涿州涇水定興保
定文安五州縣地十萬一千四百九十晌以獻縣

先圈薄地撥補圈實坻香河灤州樂亭四州縣地
十萬二千二百晌以武城昌黎撫寧各縣無主屯
地撥補

是年題准叅領以下官員各給二名壯丁地

又題准撥給甲兵地畝有告稱不能耕種者不准
又題准圈撥地內如有集場仍留給民以資貿易
又題准嗣後民間田產永停圈撥

又題准撥給地畝以現在為準嗣後雖增丁不添

給減丁不退出各官雖陞遷不添給亡故降革不退出

五年題准親王給園十所郡王給園七所每所地三十晌

又題准南苑海戶每戶給地三晌

又題准各官帶來壯丁給地不敷每佐領下再給十名壯丁地

六年題准襲封王貝勒貝子公等伊祖父所遺園

地除撥給應得之數外其餘地畝不必撤出仍留
本家

又題准凡加封王貝勒貝子公等各照本爵撥給
園地

又題准撥給官員園地公侯伯子各三十晌男二
十晌輕車都尉十五晌騎都尉十晌雖陞至超品
公亦不踰三十晌

又題准凡官員致仕者督撫布按總兵各給園地

六晌道員副將叅將各四晌府州縣遊守等官各三晌

又題准改撥官員園地公侯伯各五十晌子四十晌男三十晌都統尚書輕車都尉各二十晌副都統侍郎騎都尉各十晌一等侍衛護衛叅領各七晌二等侍衛護衛各五晌三等侍衛護衛雲騎尉各四晌

又題准新來壯丁每名給地五晌

七年題准撥給親王園八所郡王五所貝勒四所
貝子三所公二所每所地三十晌嗣後凡初封王
貝勒貝子公等俱照此例撥給鎮國將軍園地四
十晌輔國將軍三十晌奉國將軍二十晌奉恩將
軍十晌凡給過園地者停給家口糧米

又題准給公主園地六十晌郡主三十晌縣主郡
君各二十五晌

又題准八旗舊壯丁每名撤出地一晌撥給新壯

丁

九年題准八旗壯丁退出地並首告清出地及各
省駐防遺下地照墾荒例招墾三年起科

十年題准嗣後圈占民間房地永行停止

十一年正月都察院言滿洲兵丁雖分土田每年
並未收成窮兵出征必需隨帶之人致失耕種之
業往往地土空閒一遇旱澇又需部給口糧且以
地瘠難耕復多陳告而民地又不便再圈請查壯

丁四名以下地上盡數退出量加錢糧月米其馬
匹則於冬春二季酌與喂養價銀其退出之地擇
其腴者許令原得瘠地之人更換餘則盡還民間
在滿洲有錢糧可望樂於披甲而又無瘠地之苦
至民間素知地利復不至於荒蕪是兵民共仰

皇仁於無盡矣下該部確議

十五年題准舊例勲戚莊屯糧石在部報收嗣後
交各本主報納多寡聽其自便

十七年覆准八旗撤出壯丁地畝向交各佐領收存以致荒蕪令地方官招民墾種照例三年後起科

十八年九月戶部言民間地土房屋禁止滿洲置買已於順治七年三月內定例遵行後順治十三年奉有順治七年未禁以前所買地土房屋入官戶部給發原價其錢糧行文地方官除免之

旨臣等看得未禁之前所置地土房屋發覺者請不給原

價免其入官七年禁止以後所買地土房屋仍照
定議盡行入官買者賣者一併治罪

詔從所請

康熙元年工部議遣官發帑修築近京八旗護莊
堤岸其取土刨挖地畝戶部另撥補給地主

詔從所議

二年題准新來佐領給地五晌領催給地三晌
三年正月先是正黃旗副都統穆占奏稱伊佐領

下四百四十名壯丁地畝不堪祈給地更換奉有
各旗村莊有地畝不好者壯丁一百名以下仍令
留住一百名以上應遷移之

旨至是戶部查明鑲黃正白正紅鑲藍各旗壯丁一百名
以上地畝不堪者共二萬六千四百五十名應將
順天保定河間永平等府屬州縣圈出地畝十三
萬二千二百五十晌分給各旗每壯丁一名給地
五晌准令遷移並請差部員旗員會同地方官酌

量換給議上得

旨右翼著尚書去左翼著侍郎一員去其更換不堪地畝
各旗著副都統去餘依議

五年正月和碩康親王傑書等遵

旨議沙壓水淹地十五萬四千晌有奇該佐領未經踏勘
難以懸議應差部臣前往踏勘明白造冊再議疏
入輔臣等稱

旨踏勘地畝事情重大著八旗滿洲蒙古漢軍等都統戶

部滿漢尚書及滿侍郎一員都察院左都御史及滿左副都御史一員六科給事中或滿或漢每科各一員往看具奏

三月都統貝子溫齊等奉差查勘八旗沙壓水淹不堪耕種之地內鑲黃旗地尤不堪其餘各旗有一半可耕者亦間有過半不堪與全不堪者各別具疏覆奏輔臣等稱

旨

太祖

太宗時原將八旗分左右翼莊田房屋俱從頭挨次分給後因睿親王到京欲住永平府留剌週園地土未圈且欲令伊本旗切近故將鑲黃旗應住地方與正白旗而給鑲黃旗於右翼之末今各旗以地土不堪具控據都統等踏勘回奏鑲黃旗不堪尤甚如換給地畝別旗分已立界截圈不便更易惟永平府週園地畝未經圈出應令鑲黃旗移住且

世祖章皇帝旨亦云凡事宜遵

太祖

太宗例行今思莊田房屋應照翼給與將鑲黃旗移於左翼仍從頭挨次撥給至各旗不堪地畝作何分別圈撥之地作何補還鑲黃旗移出舊地作何料理著戶部一併酌議

四月戶部議覆八旗圈換地畝事鑲黃旗近圈順義密雲懷柔平谷四縣之地毋庸撥換外其左右

翼之涿州雄縣大城新安河間任邱肅寧容城等處地應照舊例從頭挨次撥換將正白旗通州三河迤東大路北邊至豐潤縣永平府週圍留剩地撥給鑲黃旗如不敷將遵化至永平路北夾空民地撥給其正白旗所撤通州迤東之地亦應於永平週圍地內撥補不敷將路北夾空民地灤州樂亭縣民地撥給至二旗包衣佐領下壯丁應否遷移伏候

聖裁再六旗地畝內除一半可耕一半不堪者不准撥換
外其過半不堪與全不堪者應將各旗園內空地
或滿洲退回地酌量撥換俱俟秋成後差員丈量
分撥又一議鑲黃旗既有順義等四縣地應將所
移涿洲壯丁即於順義等處民地撥給其河間等
處七縣所移壯丁應將正白旗薊州遵化地撥給
不敷將夾空民地撥給其通州三河玉田豐潤等
處地仍留正白旗餘照前議奏入奉

旨鑲黃旗涿州壯丁移於順義等縣依後議其前議將正白旗通州迤東大路北邊給與鑲黃旗南邊留與正白旗之處俟秋後差員將正白旗滿洲地投充人地皇莊地丈量明白取其實數酌議分撥餘俱俟鑲黃旗遷移事竣具題請旨

十二月戶部覆准侍郎巴格等疏鑲黃旗遷移壯丁共四萬六百名該地二十萬三千晌將薊州遵化遷安三處正白旗壯丁分內地民地開墾地多出地

詔從所議

投充漢人地派給不敷將延慶州民地撥補其正
白旗遷移壯丁二萬二千三百六十一名該地十
一萬一千八百五晌將玉田豐潤二處民地多出
地開墾地投充漢人地并永平等處投充漢人地
派給不敷將永平灤州樂亭開平民地酌量取撥
六年題准八旗地有坍塌成河者准與換給其出
鹵或被滯地不准換給

是年二月戶部言各旗撥換地畝將完餘剩房地應交地方官辦糧此後各旗有具呈請撥換者概行禁止

詔從所請

八年六月

諭戶部曰朕纘承

祖宗丕基撫育羣生滿漢軍民原無異視務俾各得其所乃愜朕心比年以來復將民間房地圈給旗下所以致

民生失業衣食無資流離困苦深為可憫嗣後永行停止其今年所圈房地悉力給還民間爾部速行曉諭昭朕嘉惠生民至意至於旗人無地亦難資生應否以古北等口邊外空地撥給耕種其令貝勒大臣確議以聞是年題准圈撥民間田房屢經停止邇來有因旗下退出荒地復行圈撥者有遊牧等處投來人丁復行圈撥者有因圈補時復圈接壤民地者百姓失業堪憫今張家口喜峯口殺虎口古北口獨石

口山海關外各有曠土如宗室官員及甲兵有願將壯丁地畝退出取口外閒地耕種者該都統副都統給印文咨送按丁撥給

九年二月戶部議古北等口外閒空之地分撥八旗查喜峯口獨石口外既無閒地正紅旗又無赴邊外領地之人不必撥給今以古北口外地撥與鑲黃旗正黃旗羅文峪外地撥與正白旗冷口外地撥與鑲白旗正藍旗張家口外地撥與鑲紅旗

鑲藍旗

詔從所議

是年題准官員甲兵地畝不許越旗交易其甲兵
本身種地不許全賣

又題准官員撥補地畝不遵部文擅撥給別項地
畝者罰俸一年

十年覆准八旗莊屯每屯原設屯領催一名不必
更設里長

十五年覆准官員不對閱部冊支給口糧地畝者
罰俸兩個月筆帖式等罰俸一個月其察對冊籍
係司官職掌堂官不必議處

二十年題准滿洲新歸旗者傳給園地

二十二年八月議政王大臣等會議八旗貧丁
賙給房地

諭曰朕軫念八旗貧丁特令會議使之得所今覽所議無
房產貧丁令於城外空地造房居住夫以單身貧丁離

本旗佐領地方遠居城外既難應差又或有不肖之徒肆意為非亦難稽察八旗官員房屋田地雖皆係從前分佔亦有額外置買者可令有房四五十間之人量撥一間與無房者居住其正丁所分田地外有旗下莊頭將窪下之地已經開墾耕種者着該部明白丈量有多餘者註冊仍暫留與原主俟現在收存地畝撥給不敷之時將此地補撥如此庶於貧丁少有裨益令議政王貝勒大臣八旗佐領以上議奏

是月議政大臣等議旗下兵丁貧無妻室者官給
資婚娶無房屋者令八旗王以下官員人等以上
有房屋四十間者分撥一間給與居住無田土者
以戶部所存未分撥田土撥給并丈量王以下官
員人等以上戶內田土有較原數浮溢者令存留
撥給奉

旨所議尚未盡善每四十間撥給一間如在住室墻垣之
內恐有未便或別所房屋或空地築室撥給庶不涉於

強派其皇莊地土未經議及亦非公私一體之誼應令
一併丈量若親王以下富戶以上有空閒園地房屋情
願捐納入官者著部奏聞分別議叙

二十三年五月戶部題丈量過旗下大臣官員及
投充民人溢額地畝暫留原主名下需用時再行
撥給奉

旨田地為民恒產已經給與者不便復取其旗下大臣官
員既有溢額之地理宜註冊俟需用時再行撥給民地

不可輕動

是月

諭戶部曰民間田地久已有旨永停圈撥其部存地畝分撥時或不肖人員借端擾害百姓圈佔民人良田以不堪地畝抵換或地方豪強隱佔存部良田妄指民人地畝撥給殊為可惡直隸巡撫可嚴察此等情弊指名糾叅從重治罪

二十四年四月順天府府尹張吉午疏請自康熙

二十四年始凡民間開墾田畝永免圈取奉

旨民間自開墾田畝若圈與旗下恐致病民嗣後永不許
圈如旗下有當撥給者其以戶部現存旗下餘田給之
是月戶部詳議直隸州縣百姓墾荒田地停止圈
撥如有各處壯丁及新滿洲將

皇莊并上三旗內務府及八旗禮部光祿寺丈量所
餘地畝撥給俟此項地畝撥完時另行請

旨

又議准撥給地畝不論多少停其遣筆帖式俱差
司官撥給如不照旗員退出之地取撥另將別項
地撥給者降三級隨旗行走

四十年八月直隸巡撫李光地疏奏青縣等處西
翼四旗馬廠餘地原十八萬八千四百六十二晌
零今民認墾者止三萬二千十六晌零其外有民
偷墾鄰畝暫充已業者有偷墾之田現為水淹不
可耕者會勘之時民人懼罪莫敢出名承認乞免

已往之罪招民承種於康熙四十年為始照則起

科

詔從之

四十五年議准撥給地畝自康熙十三年後均係
將八旗退出地方官收存地畝撥給至今遵行但
春間二三月內已經耕種應停撥給俟九月間秋
成後始行撥地

五十三年七月直隸巡撫趙宏燮疏言直屬旗人

退還田地原有二項一係退還民人當差納糧永
行停圈者一係退還民人承種輸租應圈之時例
令圈撥者滄州旗人退還田地係奉

旨永行停圈之地今莊頭李必達等具呈內務府指圈滄
州旗人退還地六百餘頃查此田地滄州民人耕
種當差納糧已久若聽圈撥必致失所請各屬旗
人於退還輸租地內均勻撥給

詔從其請

欽定八旗通志卷六十二

欽定四庫全書

欽定八旗通志卷六十三

土田志二

土田規制

畿輔規制二

雍正元年
至十三年

雍正元年

諭曰口外地方遼濶開墾田地甚多將京城無產業兵丁
移駐於彼殊為有益著古北口提督定議再著總理事

務王大臣等會同該部詳議具奏尋議准將在京八旗
滿洲蒙古驍騎內選熟諳農務者八百名前往熱
河喀喇河屯樺榆溝三處開墾

六年十月巡察順天永平宣化三府監察御史苗
壽等奏稱直屬近畿州縣不論旗民均編保甲奉
行在案惟是旗莊圈賞投充地畝冊貯內府及戶
部凡各州縣查閱原檔例應申請咨部轉行知照
往返需時臣等歷據民人控告旗莊強霸不結之

由總因檔案未易清查州縣官雖知隱佔情弊不便懸斷以致旗莊益得恣行兼併仰懇

皇上敕下內務府宗人府八旗都統其內府大糧莊頭及內府官兵投充當差人等現在實有地畝由內務府查明實數并坐落州縣鄉村名下地段四至造具清冊咨送戶部其親王以下閑散宗室以上莊頭及包衣官兵投充當差人等地畝由各府屬管領佐領查造清冊其覺羅八旗莊頭及官兵投充

人等地畝由該旗查造清冊此冊務須一樣二本
一留戶部存案一由部轉咨直督發布政司照造
清冊鈐發州縣與民糧地清冊一同存貯嗣後有
旗民互爭之案檢冊查對不難勘丈訊斷再此內
帶地投充人戶有隱地數頃或數十頃者亦應徹
底清晰難容遺漏請照民人之例勒限一年准其
據實首明該管處除本身現在當差地畝之數記
檔咨送外餘地另冊報部題明仍著輸租當差以

正賦額其有隱匿不報及不實指坐落四至等弊
一經查出所隱餘地照例入官仍嚴加議罪將查
送之官一併交部議處至此項檔冊頒發以後每
年不無移換應於歲底由兩翼稅課司彙報戶部
咨行各屬知照記檔戶部議覆應如苗壽等所請
得

旨允行

七年

諭曰八旗地畝原係旗人產業不准典賣與民向有定例今竟有典賣與民者但相沿已久著從寬免其私相授受之罪各旗務將典賣與民之地一一清出奏請動支內庫銀照原價贖出留在各該旗給限一年令原業主取贖如逾限不贖不論本旗及別旗人准其照原價承買

八年

諭曰近畿各府有八旗莊屯雜處其間有司難於清查且八旗罷黜之廢員及不能上進之子弟與多事不法之

家人往往潛住其中結交遊手好閒之輩妄行生事或
好勇鬪狠或酗酒賭博或與百姓爭訟告訐輾轉不休
以致風俗日漸澆凌難以整理雖有理事同知一員亦
相隔甚遠不過詞訟到案一為判斷而已平時則無稽
查約束之功也朕意欲於旗員及司官內遴選賢能者
八員派往各府有莊屯之地方專辦旗人之事時加教
誨申明禁約導其善念革其邪心小則分別懲戒大則
據實糾叅其有旗民互相爭訟之事仍聽該管衙門審

理此差往之員以一年為期更換一次果能實心辦理
化導有方一年內所管之處無旗人犯法之案將該員
與以議叙倘或怠忽廢弛因循瞻顧或擅作威福多生
事端著直隸總督與巡察御史即行叅奏從重議處其
如何分晰管理及如何定例之處著該部詳悉妥議具奏
戶部議覆直隸九府內除廣平大名二府遠處京
南均無旗莊坐落毋庸置議外其餘七府所轄有
旗莊坐落者共計七十七州縣衛廣袤約二千餘

里其間旗民雜處賢愚不等地方有司既無約束
旗人之責而理事同知一員又難稽查周遍

皇上特頒諭旨差遣官員專辦旗人之事仰見

聖慮周詳籌畫至當臣等伏查八旗冊報旗莊坐落處所
一州一縣之內有一二處以至百餘處者即一村
一莊有二三旗分之人居住者亦有祇地畝坐落
而無旗人居住者又有此州縣旗莊雖多而界址
實與別府州縣地相輻輳者若分旗分府則該管

之員難以辦理臣等酌量旗莊之多寡復計地方之遠近約以三百里內外分作一路共為八路以順天府屬之通州武清香河寶坻及天津州與所屬之靜海永平府屬之玉田七州縣為京東路順天府屬之宛平良鄉房山涿水易州涿州新城雄縣容城定興安肅十一州縣為京西路順天府屬之大興順義三河薊州平谷密雲懷柔昌平延慶九州縣衛為京北路順天府屬之固安東安永清

霸州保定文安大城河間府屬之任邱保定府屬
之新安安州高陽十一州縣為京南路順天府屬
之遵化州永平府屬之豐潤遷安灤州盧龍樂亭
昌黎撫寧山海衛九州縣衛為京北東路宣化府
屬之宣化懷來萬全保安赤城延慶六州縣為京
北西路河間府屬之河間肅寧獻縣交河景州南
皮滄州青縣故城正定府屬之衡水武強深州十
二州縣為京南東路保定府屬之清苑蠡縣博野

滿城完縣唐縣望都定州祁州正定府屬之無極
獲鹿順德府屬之沙河十二州縣為京南西路每
路派官一員到彼專管莊屯旗人之事臣部行文
各部院并八旗揀選賢能司官旗員保送帶領引
見恭候

欽點八員分路前往辦理并将應行事宜臣等詳議六款
一各路所轄莊屯有內務府及各王公莊頭并八
旗廢員以及旗員之子弟家人其中賢愚固屬不

等然設官分職原以獎善而瘳惡官斯職者當仰
體

皇仁教誨禁約使之開導洗革以化其澆凌之積習今此
八路所派之員應令蒞任後即將所屬地方居住
旗人查明住址戶口行業如有來歷不明多事不
法之人潛匿旗莊者即行驅逐其餘莊屯力作之
家有安分循良各務本業者獎之翼之以使其益
勵或有游手好閒不務本業者懲之戒之以期其

必改更於農隙之時宣揚

聖諭廣訓發其彞良漸歸淳樸小事則按法究治大事則據實揭報他如戶婚田產以及命盜案件有闕民事者仍聽地方有司辦理并將所屬地方居住旗人村莊戶口行業造具清冊報部查核此派往之員如果能於一年任內實力奉行無忝厥職令直隸總督并巡察御史出結保題交部議叙倘有多生事端擾害旗民者亦令直隸總督并巡察御史

查叅交部議處

一各員所轄旗莊大約廣袤三百餘里而旗人雜處各村若不按屯計戶設立屯目鄉長分任防閑糾舉勢難稽查管轄臣等伏查直省州縣原設有保正甲長分任防閑今既設官專辦旗人之事似應彷彿保甲之例不計旗分佐領第以屯住之旗人酌量以若干戶設立屯目一名再合附近各莊村更設鄉長一名統轄各令其於屯鄉之內互

相防閑遇有不務恒業酗酒賭博夜聚曉散及來歷不明踪跡可疑者目長立即糾舉以聽該管官員分別處置其目長作何分別設立揀選充補并各目長如何分別獎賞懲罰之處俟各員蒞任後詳議到日再議

一所派各員既責以董率旗人必須給與關防以資文移往來之用應咨禮部按照以上八路鑄給管理某路某莊事務官員關防字樣關防至年滿

更換之期接受掌管仍將伊任內經手案卷交代
明白報部查核

一查各員所轄地方或係莊屯稠密或係地方遼
濶必須設立書役以資文移驅策臣等酌量每員
設立書吏二名差役八名其所需工食銀兩照直
屬額設夫役工食數目在於司庫按季支給仍造
入奏銷冊內報部查核

一派往各員除伊本身品級應得俸銀外其於任

所亦須量給養廉之項查雍正四年十二月內奉
上諭欽差各處一年更換之員令其馳驛其一年內如何
使其不至拮据之處交部查議具奏經兵部議覆照依
該員品級按日支給廩給口糧等因奉

旨依議欽遵在案今八路派往各員自京城起身蒞任路
不甚遠毋庸馳驛其一年內食用似應照例按各
員品級日支廩給口糧總於司庫照數撥給仍造
入奏銷冊內報部查核

一各員俱係新設之員必須設立衙署令其駐劄
應令直隸總督酌量各路所轄適中地方查有入
官房屋酌計應需間數咨報撥用如所轄適中之
地方並無入官房屋其作何賃房居住之處應令
直隸總督妥議到日再議奏入奉

旨依議旗莊等處設立官員乃立法之始必得賢能之人
實心辦理訓導有方始有益于人心風俗茲所差往之
員著該管大臣於所屬內揀選保舉差往之後仍著保

舉之大臣留心訪察倘差往之員或不能稱職或在地
方生事而保舉之大臣據實叅奏者免其誤保之處分
若不叅奏經朕訪聞發覺者將保舉之大臣一併嚴加
議處

十一年直隸總督李衛疏報直屬文安大城香河
通州三河武清寶坻寧河薊州玉田豐潤任邱青
縣靜海滄州南皮等十六州縣秋禾被水所有入
官地畝據布政使王謨查明應蠲租銀請照民地

錢糧一例蠲免奉

旨該部議奏

尋戶部議覆以佃種官地者向無減免租銀之例
況民業官地原有分別而納糧交租亦有不同是
入官地租未便與民糧一例蠲免臣等酌議請將
入官地畝租銀比照民地蠲免錢糧分數遞減以
應納之租銀作為十分如被災十分者准免租銀
五分被災九分者准免租銀四分被災八分者准

免租銀二分被災七分者准免租銀一分其六分以下者不作被災分數應令直督將被災官地應蠲租銀另行確查造具妥冊題報奉

旨依議

十二年題准八旗地畝坐落直隸州縣為數浩繁片段錯落非逐細勘丈無由知其確數而該佐領下領催人等貪圖私取租銀勾連地戶將餘出地及絕戶地隱匿不報亦有佃戶因無業戶取租乘

機隱漏認為已業者更有隱匿年久竟認為墾荒
首報納糧者此非經管人員不能悉其界址底裏
令八旗都統各委叅領一人於農隙時會同州縣
清丈所有餘地及絕戶地案照肥瘠酌定租數交
地方官徵租彙解戶部倘有恃強阻撓勘丈者理
事同知會同地方官審理嗣後凡有報出絕戶之
地一面報部一面委官勘明交地方官徵租

十三年奏准園頭牲丁壯丁人等所有賞給當差

養家房地本不應違例典賣第彼此授受相沿已久倘不勘明撤回在園頭人等固當差乏資若概行撤回又恐鄉愚失業今令逐細詳勘如係紅冊內所開載之地即屬官物此不論紅契白契或典或賣均係應行撤回如非紅冊內所開載之地則本為私業不應強撤其典賣在冊房地如用紅契即係經官授受之項應追給全價免其治罪如用白契則為私相授受應治其罪此項交易其在康

熙三十九年清撤以前者應給半價亦免治罪其在康熙三十九年清撤以後者與受同罪并不應給價矣以上典賣房地有冊內冊外應撤不應撤之分有典契賣契紅契白契之別撤時又有應追價不應追價應治罪不應治罪之殊應遣京堂官內務府總管率賢能司員直督再委道員會同前往澈底清釐其應行追價給還民人者分別追償仍將地畝數目四至村莊造具印冊四本一存本

州縣其三本呈本部內府並該督以備考

欽定八旗通志卷六十三